

فيديو ٧٩٨ من مقاطع حذر التجول تدبر سورة المائدة - الحلقة

٣٢ الآيات ٤٥-٨٥

فاضل سليمان

يفقهوا قولي السلام عليكم ورحمة الله وبركاته. اهلا بحضراتكم في المقطع رقم تمنية سنة وتسعين من مقاطع حذر التجول. والحلقة الثالثة والعشرون من حلقات تدبر سورة المائدة امبارح تدبرنا قول الله تعالى في الاية واحد وخمسين - [00:00:00](#) اعوذ بالله السميع العليم من الشيطان الرجيم يا ايها الذين امنوا لا تتخذوا اليهود والنصارى اولياء بعضهم اولياء بعض. ومن يتولهم منكم فانه انهم ان الله لا يهدي القوم الظالمين - [00:00:25](#) ويبدو ان فاتنا نتدبر بعضهم اولياء بعض. ولذلك اشكر الاخ محمود اللي ارسل لي من المانيا يذكرني بان احنا نسينا المقطع ده بعضهم اولياء بعض الى ان يعني آآ يعني منذ ان نزلت هذه الايات وحتى سبعين سنة مضت - [00:00:58](#) لم يكن النصارى واليهود اولياء بعض بل اعدى اعداء بعض النصارى بالزات بهدلوا اليهود في كل مكان في العالم وخاصة اوروبا ولم يجد اليهود على مر التاريخ الا بلاد المسلمين ليلجأوا اليها من اضطهاد النصارى - [00:01:25](#) لذلك كان التفسير دائما بتاع هذا المقطع بعضهم اولياء بعض. ان فرق اليهود اولياء بعض بمعنى يقفوا مع بعض يتحالفوا مع بعض يساعدوا بعض وكذلك فرق النصارى هم اللي يقفوا مع بعض ويحالفوا بعض وشفنا الحروب الصليبية وازاي وقف ملايين من نصارى اوروبا متوحدين وزحفوا نحو العالم الاسلامي - [00:01:45](#) في حداثر موجة حداثر حملة صليبية لكن مؤخرا ظهر بوضوح موالة اليهود والنصارى لبعض في قضية فلسطين ازا بعضهم اولياء بعض مش بالضرورة زي ما معظم التفاسير بتقول ان كل فريق منهم بيوالي بعضه لا وهم الاتنين بيوالوا بعضهم ايضا وده اصبح واضح جدا حتى - [00:02:07](#) يعني ازا كان العدو هو المسلمين يتوحدوا لكن الاية الحقيقة فيها رسالة مبطنة للمسلمين سواء بقى كان معنى ان اليهود بعضهم اولياء بعض والنصارى بعضهم اولياء بعض ام ان ان اليهود والنصارى اولياء بعض. الرسالة الواضحة هي - [00:02:32](#) يا مسلمين ان تفرقتم اكلوكم اكلتم لا تتفرقوا هناك خلافات بينكم ده شيه طبيعي جدا الايد الواحدة اهي ما فيش فيها صباعين زي بعض خمس اصابع كلها مختلفة وده مش عيب - [00:02:54](#) اذا عرفنا ندير الاختلاف يصبح الاختلاف قوة ما يعطي هذه اليد القدرة على فعل اشياء هو هذا الاختلاف. لو كانت كلها خمس اصابع طول بعض وقد بعض ما كناش نعرف نعمل بها حاجة - [00:03:13](#) لكن فيه صباغ قصير لكنه قوي يستطيع يفتح زجاجة آآ مائة يفتح برطمان هناك صباغ صغير وضعيف لكنه رفيع يستحيل الدخول في فتحة ويسلكها او غيره. فمهنة مسلا يعني مهنة الطبيب مسلا ما هي مهنة عزيمة. وبتدخل دخل شهري جيد جدا. لكن تخيلوا بلد كلها اطباء - [00:03:27](#) كل اللي فيها اطباء. طب مين هيبني لهم منازل؟ يبقى محتاجين مهندسين. مين هيركب لهم الحمامات؟ يبقى محتاجين سباكين. اذا الاختلاف نعمة ازا عرفنا انه يدير الاختلاف يعني احنا محتاجين للاختلاف. المهم اننا لا نتفرق - [00:03:48](#) بعضهم اولياء بعض واحنا كمان لازم يكون بعضنا اولياء بعض. دي بصراحة التدبر بتاعي اللي جا لي في هذه الاية واللي الاخ محمود ايضا من المانيا بعث قال لي انا وقع في قلبي ان هذا هو وانا ايضا بصراحة - [00:04:05](#)

طيب اقرأ بقى معي الاية اربعة وخمسين اقرأ معي الاية اربعة وخمسين. هنبداً التدبر النهاردة من هنا يا ايها الذين امنوا من يرتد منكم عن دينه فسوف يأتي الله بقوم يحبهم ويحبونه اذلة على المؤمنين اعزة على الكافرين يجاهدون في سبيل - [00:04:24](#) لله ولا يخافون لومة لائم ذلك فضل الله يؤتيه من يشاء. والله ذو الواسع عليم ايه دخل الردة دلوقتي ليه ربنا بيتكلم عن الردة يا ايها الذين امنوا من يرتد منكم عن دينه - [00:04:51](#)

هو احنا امبارح قربنا ايه يا ايها الذين امنوا لا تتخذوا اليهود والنصارى اولياء. بعضهم اولياء بعض. ومن يتولهم منكم فانه منهم. ان الله لا يهدي القوم اما الظالمين ايات بتحرم اتخاذ اليهود والنصارى اولياء وحلفاء. وخلصنا في الموضوع امبارح وفي معانيه - [00:05:13](#)

طبعا معناها اتخاذهم حلفاء ضد المؤمنين كمان ده الاساس في سورة ال عمران ربنا سبحانه وتعالى قال لا يتخذ المؤمنون الكافرين اولياء من دون المؤمنين ومن يفعل ذلك فليس من الله في شيء - [00:05:34](#) ما لوش علاقة برنا ما لوش علاقة بالدين ما لوش علاقة بالاسلام اصلا. اللي يتخذ المؤمن الكافرين اولياء من دون المؤمنين وقال في سورة النساء الذين يتخذون الكافرين اولياء من دون المؤمنين. ايبتغون عندهم العزة فان العزة لله جميعا - [00:06:02](#) وايضا هل في سورة النساء يا ايها الذين امنوا لا تتخذوا الكافرين اولياء من دون المؤمنين. اتريدون ان تجعلوا لله عليكم ان المنافقين في الدرك الاسفل من النار فممكن بعض المسلمين - [00:06:26](#)

يخافوا ان الناس اللي بيوالوا اليهود والنصارى ما يعجبهمش الكلام ده. ويتركوا الاسلام يعني لما ربنا يفضل كده يحذر من اتخاذ اليهود والنصارى اولياء. فبعض الناس تبقى ايه عايزة يعني تخلي الدين شكله كيوت وجميل كده. فيقول لك ايه بس الكلام ده يا جماعة - [00:06:51](#)

ننفر بعض الناس شوية من الدين. ممكن بعض الناس تسبب الاسلام. وكده عدد المسلمين هيقفل. هم واحنا خايفين على الاسلام وفعلا خايفين على الاسلام ربنا بيظمنهم بيقول لهم ايه ما تخافوش خالص - [00:07:10](#) ما تخافوش. بصوا قال لهم ايه يا ايها الذين امنوا من يرتد منكم عن دينه فسوف يأتي الله بقوم يحبهم ويحبونه اذلة على المؤمنين اعزة على الكافرين يجاهدون في سبيل الله ولا يخافون لومة لائم - [00:07:23](#)

ذلك فضل الله يؤتيه من يشاء. والله واسع عليم مع السلامة في ناس مش عاجبها فهترتد مع السلامة الف سلامة يا ايها الذين امنوا من يرتد منكم على فكرة في قراءة ورش من يرتد منكم عن دينه. ده اختلاف لغة. بس يعني يعني لهجات قبائل - [00:07:45](#) زي يمسمكم يمسمكم. برضه عدت علينا. يرتد يرتد. هم. لما يكون فيه حرفين متماثلين وراء بعض. بعض القبائل حرف واحد مشدد. يعني هي اصلها من يرتد فبعض القبائل تنطقها يرتد - [00:08:10](#)

يمسس يمسس خلاص ماشي المهم فده اختلاف قراءات لكنه ما ما يؤثرش في المعنى مش ده الخلاف بتاع امبارح المهم ربنا بيظمن المؤمنين على هذا الدين. بيقول يعني لو نقص واحد ربنا هيجيب بدال واحد احسن منه. واحد انصف - [00:08:29](#) ما تقلقوش خالص اقول لكم على حاجة. لو جمع القمامة توقف المدينة هتمتلى بالقمامة فالردة مش وحش اوي كده هي بتطلع الزبالة برة وربك بيدخل بدل الزبالة ناس بتحبه وبيحبهم - [00:08:48](#)

ده معناه ان اللي يرتد ما كانش بيحب ربنا ما كانش بيحب ربنا وانا وريتكم قبل كده كتاب اللي هو اسمه آآ ميزو التايزند انطولد ستوري اوف هيتن جود - [00:09:05](#)

انه الاساس هو ان في ناس بتكره ربنا المشكلة ان الناس اللي بترتد دي مش مش مؤمنة بان ربنا مش موجود. لآ هم بيكرهوا ربنا يا ايها الذين امنوا من يرتد منكم عن دينه - [00:09:21](#)

فسوف يأتي الله بقوم يحبهم ويحبونه صفاتهم ايه بقى اذلة على المؤمنين اعزة على الكافرين. ما هو خلي بالك المنافقين لما نافقوا نافقوا ليه لسه احنا قايلين ان انا دلوقتي اهو - [00:09:39](#)

ايبتغون عندهم العزة؟ كانت فين؟ في في النساء تسعمية تسعة وتلاتين. اهي الذين يتخذون الكافرين اولياء من دون المؤمنين. عملوا

كده ليه؟ ايا بتغون عندهم العزة فان العزة لله جميعا - [00:10:02](#)

فرينا قال انه لما هيستبدل هيجيب ناس اذلة على المؤمنين اعزة على الكافرين والحلقة اللي فاتت الاية اثنين وخمسين كان فيها برضو رسالة مشابهة الحرق الاية اثنين وخمسين اهي فترى الذين في قلوبهم مرض يسارعون فيهم يقولون نخشى ان تصيبنا دائرة.

يعني خايفين الدنيا تدور - [00:10:19](#)

المسلمين ينهزموا وساعتها نحتاج علاقتنا بامريكا واسرائيل ومش عارف ايه لكن الناس الذين يحبهم الله ويحبونه اول صفة فيهم انهم بيتغون العزة عند الله فيذلون للمسلمين وللمؤمنين ويعزون على الكافرين. يعني ايه؟ يعني متوكلين على الله حق توكله -

[00:10:47](#)

ايه كمان صفاتهم؟ في كمان صفاتهم يجاهدون في سبيل الله مش زي المنافقين يقولوا طالعين معكم وما يطلعوش ويبقوا عاوزين يطلعوا بس في المعارك اللي متوقع يكون فيها قتال خفيف وغنائم كثيرة - [00:11:09](#)

لكن المؤمنين الذين يحبهم الله يجاهدون في سبيل الله مش في سبيل المكاسب الدنيوية ايه كمان من صفاتهم يجاهدون في سبيل الله ولا يخافون لومة لائم بيقولوا الحق وبيأخذوا الموقف الحق - [00:11:32](#)

وما يفرقش معهم كلام الناس ولا نظرة الناس لهم فاكرين لما قلت لكم ما تحاولوش ترضوا الناس ارضوا رب الناس في ناس بتعمل حساب للناس كتير اوي الناس هتقول علينا ايه - [00:11:51](#)

هياخذوا موقف غلط وهم عارفين انه غلط. بس عشان كلام الناس طب ركز معي الناس دول اللي ربنا بيحبهم ويحبونهم اللي بيتبغوا العزة عند الله. وليس عند الكافرين. ولا يخافون في الله لومة لائم. ويجاهدون في سبيل الله. بصراحة بقى - [00:12:07](#)

الناس دول هل يعني دول مش مش الناس دي كده عملت خدمة كبيرة لربنا صح ولا لا طبعا لأ ده ربنا هو اللي تفضل عليهم بانه اختارهم فاصبحوا من هؤلاء اللي بيحبهم. كمل الاية بقى ذلك فضل الله يؤتيه من يشاء. والله واسع عليم - [00:12:29](#)

كونك واقف مع الحق. كونك بتجاهد في سبيل الله. كونك لا تخاف في الله لو ما تلائم. كونك بتعمل الاعمال الصالحة. كونك كل ده كونك مؤمن بالله اصلا كذلك فضل الله عليك - [00:12:51](#)

كونك بقى لك ثلاث سنين بتتدبر القرآن كل يوم ده مش لانك انسان رائع. لا ده فضل الله عليك. انت تحمد ربنا. انت على فكرة فيه واحد زيك دلوقتي وفيه واحدة زيك دلوقتي قاعدين في خمارة - [00:13:05](#)

ده فضل ربنا انه جعلكم من القلة اللي بتوحده في الدنيا. من القلة اللي بتتدبر كتابه في الدنيا. هذا فضل الله احنا نحمد الله على ذلك. مش نحمد انفسنا ذلك فضل الله يؤتيه من يشاء. والله واسع عليم. يعني موقع المقطع ده من الاية مش معقول. بعد ما ذكر انه يحبهم

- [00:13:19](#)

اذلة على المؤمنين اعزة على الكافرين. يجاهدون في سبيل الله ولا يخافون في الله لومة لائم بعد كل ده كل دي مش مش مزايا فيهم ذاتية مش حاجة يعني مش حاجة كده مخلوقين به. لا هذا فضل من ربنا - [00:13:45](#)

فضل الله يؤتيه من يشاء فضل ربنا كبير وواسع جدا والله واسع عليم بما في صدور الناس. ونوايا الناس ما في ناس بتعمل اعمال من دي. في ناس بتطلع تجاهد في سبيل بس مش في سبيل الله - [00:14:01](#)

في سبيل الحاجة الثانية عشان يتقال شجاع في ناس بتقع تدي دروس وبتناع وتعلم وكده عشان يتقال عالم في ناس بتنفق وتعطي وتغدق وتجدد عشان يتقال جواد كريم يعني ربنا عالم. والله واسع عليم - [00:14:17](#)

اقرا بقى معي خمسة وخمسين وستة وخمسين انما وليكم الله ورسوله والذين امنوا الذين يقيمون الصلاة ويؤتون الزكاة وهم راكعون ومن يتولى الله ورسوله والذين امنوا فان حزب الله هم الغالبون. ومن يتولى الله ورسوله والذين امنوا فان حزب الله هم -

[00:14:39](#)

والغالب ربنا نهى عن اتخاذا اليهود والنصارى اولياء في الاية واحد وخمسين. حلو اوي يا ايها الذين امنوا لا تتخذوا اليهود والنصارى اولياء. حلو. طب نتخذ مين يا رب انما وليكم الله ورسوله والذين امنوا - [00:15:09](#)

الذين يقيمون الصلاة ويؤتون الزكاة وهم راعون هم دول انما وليكم الله ربنا قال في سورة البقرة مم الله ولي الذين امنوا يخرجهم من الظلمات الى النور. والذين كفروا اولياؤهم الطاغوت يخرجونهم من النور - [00:15:30](#)

الى الظلمات يبقى اول حاجة انما وليكم الله مم يبقى انما وليكم الله ورسوله ورسوله. طيب اهي موجودة عندنا خدناها في الاحزاب النبي اولى بالمؤمنين من انفسهم وازواجه امهاتهم هو اولى بنا من انفسنا هو اقرب واحد لنا - [00:15:52](#)

في مقام الاب في منزلة الاب بس ما قالش ابونا يعني ما ما كان محمد ابا احد من رجاله. من من رجالكم. ولكن رسول الله بس ازواجه امهاتهم يبقى هو بمنزلة الاب لنا - [00:16:23](#)

زوجات النبي بنقول لهم يا امي ام المؤمنين بيتقال لها يا امي. يعني كان يبقى الصحابي اكبر من السيدة عائشة يقول لها يا امه امه طب وباقي المؤمنين علاقتنا بهم ايه - [00:16:37](#)

سورة يونس ان الذين امنوا وهاجروا وجاهدوا باموالهم وانفسهم في سبيل الله والذين اووا ونصروا اولئك بعضهم اولياء بعض يبقى ربنا منعكم من ولاية اليهود والنصارى لان مش ممكن يترككم تعتمدوا على ناس لا تحمل لكم الخير ولا الوتر - [00:16:52](#)

ولا الحب بيكرهوا دينكم. ما ينفعش تثقوا فيهم وتضعوا اسراركم واثروا ثروتكم وفلوسكم وحساباتكم وقواتكم تحت رحمتهم وابدلكم بدلا منهم الغير محدود. مين الله سبحانه وتعالى يعني منعك من ولاية المحدود - [00:17:16](#)

واعطاك الغير محدود انما وليكم الله ايه المحدود وفي المحدود ادى لك احسن الموجود. مين؟ ورسوله رسوله والذين امنوا انما وليكم الله ورسوله الذي يستمد العون ويستمد التأييد هو وكل مؤمن من الغير محدود من الله سبحانه وتعالى - [00:17:40](#)

يبقى مين عنده تحالف؟ عنده حلف اقوى اللي بيحالف روسيا وامريكا والكلام ده كله ولا اللي بيحالف ربنا وصفات المؤمنين ايه بقى الذين امنوا الذين يقيمون الصلاة. اقامة الصلاة. عدم التهاون في الصلاة - [00:18:14](#)

وايتاء الزكاة بحب ايتاء مش دفع الزكاة. ما فيش حاجة اسمها دفع الزكاة ولا اخراج الزكاة في القرآن خالص. القرآن الزكاة جاي معها يؤتون الزكاة يؤتوننا يعني بيوصلوها لغاية هناك - [00:18:36](#)

بص في الترجمة بتاعة مؤسسة جسر هتلاقي مترجمين ايتاء الزكاة في الزكاة برنجينج يعني بيحجيوها لغاية هناك بحب باقبال على الله وهم راعون. يعني وهم خاضعون لامر الله مش خوفا من شرطة التهرب الضريبي - [00:18:52](#)

ما هو ده الفرق بين الزكاة والضرائب اللي بتفرضها الدول العادية. بتفرض ضرائب وتحط بقى شرطة تقعد تتجسس على الناس وتعمل بتاع عشان ايه اكشف اللي بيتهربوا من الضرائب. انما المؤمن بيؤدي فريضة الزكاة وهو حريص انه يدفعها قبل موعدها - [00:19:15](#)

بينما الضرائب اللي بتجمعها الدولة بيبقى حريص انه يدفعها في اخر لحزة ويجيب محاسب شاطر يقعد يحسبها له ويحنتف ويحط ويزود في المصاريف بتاعته عشان يقلل الضرائب قدر الامكان عشان ما يدفعش قرش واحد اكر من اللي لازم يدفعه. لكن الزكاة ضمير الانسان هو اللي بيراجع وراه - [00:19:33](#)

طبعا الشيعة استغلوا واقعة حصلت في مسجد النبي عليه الصلاة والسلام. لما جه سائل يسأل وسيدنا علي كان بيصلي سيدنا علي بن ابي طالب كرم الله وجهه فسيدنا علي خاف ان السائل يمشي - [00:19:55](#)

على ما هو يخلص الصلاة فمد يده للسائل وهو راع كان فيه خاتم حديد في ايد سيدنا علي. فالسائل فهم ان هو بيتبرع بالخاتم فراح خالغ الايه؟ الخاتم. فقال لك بس يبقى الاية دي تقصد سيدنا علي بن ابي طالب - [00:20:13](#)

والدليل انه المفروض كان يبقى هو الخليفة الاول بدل سيدنا ابو بكر. طبعا كلام طفولي جدا وغلط جدا لانه انما اداة حصر انما وليكم يعني لا ولي غير الله ورسوله والمؤمنين - [00:20:30](#)

لو جعلتم المؤمنين كلهم مقصود بهم سيدنا علي فقط يبقى ما فيش ولاية ولا طاعة لاي حاكم بعد سيدنا علي خلاص الى الابد بعد كده. ما هو ربنا يقصد دول بس - [00:20:50](#)

اكيد مش ده المقصود يعني ايه المقصود ما تتخذوش اليهود والنصارى اولياء امال مين يا رب الله ورسوله والمؤمنين طبعا طيب هل

المؤمنين افضل من اليهود والنصارى وهيقدرنا يحموننا ويفيدونا زبهم - [00:21:03](#)

لأ افضل كمان. ليه ؟ لان وليهم الله ورسوله بدل ما المدد والعون كان من المحدود روسيا امريكا ايا كان هياتيكم المدد والعون من الغير محدود من الله سبحانه وتعالى - [00:21:22](#)

اليهود والنصارى محدودين القدرة والله غير محدود القدرة افهموا بقى اللي هيعمل كده هيبقى انضم للفريق الكسبان ومن يتولى الله ورسوله والذين امنوا فان حزب الله هم الغالبون افهموا ده مصلحتكم - [00:21:37](#)

بالحساب كده انتم الكسبانين. انتم بانتمائكم للمؤمنين وانحيازكم للمسلمين الموحددين. فانت كده اصبحت عضو في بالله ضد حزب الشيطان والدنيا كلها عبارة عن معركة عشان تبقوا عارفين بين الحق والباطل. اياكم تنضموا لفريق الباطل - [00:22:00](#)

حزب الله الانضمام له بيحتاج اشتراك. تدفع اشتراك بس الاشتراك ده مش فلوس تتدفع كل شهر خصال كده وطباع في شخصية الانسان نجدها موجودة متناثرة في القرآن والسنة. مسلا مسلا رح طلع - [00:22:21](#)

صفات عباد الرحمن اللي في اواخر سورة الفرقان اخر عشر ايات في سورة الفرقان فيهم اتناشر صفة من صفات عباد الرحمن. ارجو تراجعوها. راجعوا اخر اربع حلقات في تدبر سورة الفرقان. حاجة رائعة - [00:22:40](#)

وعباد الرحمن الذين يمشون على الارض ها هنا. تواضع. واذا خاطرهم الجاهلون قالوا سلاما. مسالمين الفاظهم نضيفة ما بيردوش قلة الادب بقلة ادب والذين يبيتون لربهم سجدا وقياما. يقوموا الليل لله. والذين يقولون ربنا اصرف عنا عذاب جهنم - [00:22:56](#)

ان عذابها كان غراما. يخافون من عذاب الله. الى اخر الايات ايضا آ المؤمنين في حديث مشهور حديث ابو ذر في مسند الامام احمد يقول امرني خليلي صلى الله عليه وسلم ده ابو ذر بيقول. ده كلام ابو ذر ده مش حديث شريف. ده انا اسف مش حديث نبوي. هو حديث لابي ذر نفسه - [00:23:19](#)

سيدنا ابو ذر رضي الله عنه وارضاه بيقول امرني خليلي صلى الله عليه وسلم بسبع امرني بحب المساكين والدنو منهم انك تحب المساكين تعطف عليهم بس تبقى قريب منهم. مش آ تبعت فلوس مع الولد اللي بيشغل للمساكين. لا يا حبيبي الدنو منهم -

[00:23:44](#)

تروح تاكل معهم. تقعد معهم على الارض وامرني ان انظر ان انظر الى من هو دوني ابص للي اقل مني مش هقعده ابص للي فوقي واحسد فيه ابص للي اقل مني في الفلوس اقل مني في الصحة عشان احمد ربنا - [00:24:05](#)

مش طول النهار مش راضي عن حاجة انك دايم باصص للي اعلى منك. قال ولا انظر الى من هو فوقي ما ابصش للاغنى مني واللي هيبقى طول النهار بغلي جيرانا جابوا مرسيديس. يا نهار اسود - [00:24:25](#)

نعمل ايه يا جدعان ؟ نروح بقى نستلف منين ونعمل ما احنا لازم نبقى اقل منهم. الناس بتتنافس في الدنيا وامرني امرني الا اسأل احدا شيئا ايه الجمال ده ما اطلبش حاجة من حد - [00:24:40](#)

تبص على اللي قبل كده كله عبارة عن خدمات انت بتقدمها للناس وانت ما تطلبش خدمة من الناس سيدنا ابو بكر الصديق كان راكب الجمل بتاعه وكانوا ماشيين. مجموعة على جمال ومجموعة ماشية على رجليها. فالعصاية بتاعته اللي بيقود بها الجمل وقعت -

[00:24:59](#)

فوقف الجمل وراح منزل الجمل دي عملية بتاخذ وقت يعني. بتاع دقيقتين كده وراح نازل من على الجمل جاب العصاية وراح راكب على الجمل وراح مقوم الجمل وراح ماشي واحد من الصحابة ماشي جنبه - [00:25:17](#)

انا ممكن اسأل سؤال ايه اللي انت عملته ده قال له انا ماشي جنبك العصاية وقعت وبعني عطلت نفسك خمس دقائق عشان تنزل تجيب العصاية! ما كنت قلت لي دي قلتها لك - [00:25:32](#)

خلي اقول لك حاجة وتكنتم عني قال له ايه قال له عاهدت رسول الله صلى الله عليه وسلم في خمسين من اصحابه الا نسأل احدا شيئا يبقى النبي كان بيربي مجموعة قريبة منه على مستوى عالي من التريبة منها انهم يخدموا الناس وما يطلبوش خدمة من الناس

- [00:25:45](#)

كامل بقى كلام ابو ذر كمان. وامرني ان اقول بالحق وان كان مرا يعني ولو على رقبتى بس اقول الحق ولا يخافون في الله لومة لائم.

ما هي دي وامرني الا اخاف في الله لومة لائم - [00:26:11](#)

وقال وامرني ان اكثر من قول لا حول ولا قوة الا بالله فانهم من كنز تحت العرش كل ده لا يأتي الا بالتربية يا جماعة. كل ده يأتي

بالتربية. تربية النفس - [00:26:29](#)

ثم بقى تأتي الاية المخصصة للاية واحد وخمسين وشرحنها في الحلقة اللي فاتت. اللي هي الاية سبعة وخمسين. نقرأها برضو عشان

الدور بتاعها يا ايها الذين امنوا لا تتخذوا الذين اتخذوا دينكم هزوا ولعبا - [00:26:42](#)

من الذين اتوا الكتاب من قبلكم والكفار اولياء. واتقوا الله ان كنتم مؤمنين يبقى لو الولاية المقصودة هي مستوى اقل من التحالف.

لان بعض الناس بيعتبره مجرد الصداقة والتعامل التجاري والتعامل مع الجيران - [00:27:03](#)

بيعتهروه نوع من الولاية وده مش مش ولاية لكن لو كده يبقى في الحالة دية احذروا من انكم تظهروا اي مودة للناس اللي بتسخر من

دينكم انك لو قبلت السخرية من دينك - [00:27:21](#)

والاستهزاء بدينك سيقل قدر الله في قلبك ويهتز الايمان عندك انت. وده يوقعك في النفاق عشان كده احنا اخدنا فيه آ سورة النساء

وقد نزل عليكم في الكتاب ان اذا سمعتم ايات الله يكفر بها ويستنهزها بها فلا - [00:27:36](#)

اقعدوا معهم حتى يخوضوا في حديث غيره. انت عشان مصلحتك انت ما تقعدش معهم وتسمع الاستهزاء والكفر بايات الله. ده

لصالحك انت انك لو استمررت لو سمعت الكلام دوا انكم اذا مثلهم. ان الله جامع المنافقين والكافرين في جهنم جميعا - [00:28:05](#)

سم ربنا بقى يجعلك ايه نشعر بالارف من هذا الخنوع. فيقول لك ده انتم لما بتؤذونوا بتؤذونوا. للصلاة اسخروا منها بيسخروا من الاذان

فقال واذا ناديتهم الى الصلاة اتخذوها هزوا ولعبا. ذلك بانهم قوم لا يعقلون - [00:28:27](#)

يعني خلي عندك كرامة دي ناس بتسخر من شعائر دينك بصفة مستمرة. هتقول لي لا انت هتألف فين كلمة شعائر دينك؟ قال لك بس

وفين بصفة مستمرة؟ هاقول لك انا - [00:28:53](#)

من يسخر من الاذان بالتاكيد بيسخر من شعائر اخرى. انت عايز تفهمني ان واحد هيسخر من كلمات الاذان الجميلة الرائعة اللي لها

معاني حلوة. ومش من الحج مسلا ملابس الاحرام والطواف والرجم مش ممكن - [00:29:09](#)

طب ليه ما قالش بيسخروا من الحج وقال من الاذان لان الحاج مرة في السنة لو قال لك بيسخروا منكم وانتم بتحجوا يا سيدي مرة

في السنة لكن لما قال لك من الاذان ده انتم بتؤذونوا خمس مرات على مدار اليوم - [00:29:26](#)

واذا ناديتهم الى الصلاة اتخذوها هزوا ولعبا. يعني ده شأنهم طول الوقت. دي ناس على مدار اليوم واللييلة عمالين يسخروا من دينكم

ومن شعائركم اشوف الاية عمالة تشعرك بان المسألة يا اخي ده لو مش دين يبقى كرامة يا اخي. يعني خلي عندك كرامة يعني. دي

ناس بتسخر منك طول الوقت - [00:29:44](#)

على مدار اليوم ومن دينك بكرة ان شاء الله هنبدا ربع ساعة بدري. خلاص؟ وهنبقى كده لمدة اسبوع عشر تيام وبعد كده برضو ايه

هنبدر الوقت. يعني بكرة ان شاء الله هنبدا الساعة - [00:30:08](#)

سبعة وربع بتوقيت لندن. ثمانية وربع بتوقيت القاهرة. تسعة وربع بتوقيت مكة المكرمة والقدس الشريف اللهم انا نسألك حبك وحب

من يحبك وحب كل عمل يقربنا الى حبك. اللهم ما رزقتنا ما نحب فاجعله قوة لنا فيما تحب - [00:30:21](#)

وما زويت عنا مما نحب فاجعله فراغا لنا فيما تحب اللهم اجعل حبك احب الينا من اهلينا واموالنا. ومن الماء البارد على الظمأ. اللهم

حبنا اليك والى ملائكتك وانبيائك ورسلك - [00:30:39](#)

وعبادك الصالحين واجعلنا ممن يحبك ويحب ملائكتك وانبيائك ورسلك وعبادك الصالحين. اللهم احى قلوبنا بحبك. واجعل لك كما

تحب. اللهم اجعلنا نحبك بكل قلوبنا. ونرضيك بكل اجسادنا. اللهم اجعل حبنا كله لك - [00:30:55](#)

وسعينا كله في مرضاتك. اللهم اجعل القرآن الكريم ربيع قلوبنا ونور صدورنا وجلاء احزاننا وذهاب همومنا وغمومنا ومغفرة ذنوبنا

اسأل الله العلي العظيم ان يجعل هذا التدبر في ميزان حسناتي وحسناتكم جميعا - [00:31:18](#)

اللهم فاطر السماوات والارض عالم الغيب والشهادة انت تحكم بين عبادك فيما كانوا فيه يختلفون حق كل حرف في كتابك تلوناه او تدبرناه. اكفنا واهلينا واخواننا واخواتنا شر كل من يكيّد لنا ولهم. واحفظ - [00:31:40](#)
واياهم من شرورهم ونجعلك اللهم في نحورهم فانت الوكيل ولا حول ولا قوة الا بك اللهم بحق كل حرف في كتابك تلوناه او تدبرناه. ايد بنصرك المرابطين في الارض المباركة فلسطين - [00:32:00](#)

اللهم سد رميهم وخيب رمي عدوهم وتقبل شهداءهم. وكن مع اخواننا في تركستان الشرقية وفي الشام وفي كشميرا وفي الهند. وانصر يا ربي من نصرهم واخذل يا ربي من خذلهم وطهر المسجد الاقصى من الدنس فانهم لا يعجزونك. واكتب لنا يا - [00:32:20](#)
ربنا ختم القرآن فيه اللهم انك تعلم ان هذه القلوب قد اجتمعت على كتابك وعلى محبتك. والتقت يا ربنا على طاعتك وتوحدت على دعوتك وتعاهدت على نصره شريعتك فوثق اللهم رابطتها وادم ودها واهدها سبلها. واملأها بنورك الذي لا يخبو. واشرح صدورها - [00:32:40](#)

الايمان بك وجميل التوكل عليك واحيها يا ربنا بمعرفتك. وامتها يا مولانا على الشهادة في سبيلك انك نعم المولى ونعم النصير. وصل اللهم وسلم على سيدنا محمد وعلى اله وصحبه ومن تبع هداه. والسلام عليكم - [00:33:08](#)
عليكم ورحمة الله. ونراكم غدا باذن الله بدري ريع ساعة عن موعد النهاردة نراكم الخير. سلام عليكم - [00:33:29](#)